

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 19. August 2021

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Verdedegungsminister iwwer d'Kommunikatioun vum Verdedegungsministère weiderzeleeden.


Am Rumm vun den Taliban hirer Avance an Afghanistan, huet de Lëtzebuenger Verdedegungsministère laang net kommunizéiert. Et ass eréischt op Nofro, datt ee gewuer ginn ass, datt Lëtzebuerg keng Afghanen am Déngscht vun dem Lëtzebuenger Contingent agestallt hat.

No der Victoire vun den Taliban, ass alt nees net kommunizéiert an domat Spekulatione iwwer méiglech humanitär Operatioune an en Asaz vum A 400 M fräie Laf gelooss ginn. A wéi dunne e Kommunikee koun, do stoungen och nach operationell Detailler dran, déi net fir d'Ëffentlechkeet geduecht waren, an eng Reaktioun vu Nato-Responsabelen no sech gezunn hunn.

An deem Zesammenhank hunn ech dës Froen un den Här Verdedegungsminister:

1. Firwat huet de Verdedegungsministère d'Situatioun am Afghanistan kommunikationstechnesch net besser begleitet, och wat d'Virbereedung vun engem méiglechen humanitären Asaz mat Bedeelegung vum A 400 M ugeet?
2. Wéi ass et méiglech, datt de Lëtzebuenger Kommunikee Detailler opdeckt, déi vun der Nato offensichtlech als operationell kritesch agestuuft gi sinn?

Mat déiwem Respekt,



Fernand Kartheiser
Deputéierten